

ADMINISTRACIÓN LOCAL

PROVINCIAL

DEPUTACIÓN PROVINCIAL DA CORUÑA

Servizo de Acción Social, Cultural e Deportes. Sección de Educación, Cultura e Deportes

Acordo Xunta de Goberno polo que se aproban as Bases reguladoras progr. subvencións para clubs deportivos da provincia, sen ánimo de lucro, con equipos ou deportistas que participen en competición federada de ámbito local, provincial ou autonómico, 2019

Bases reguladoras do programa de subvencións para clubs deportivos da provincia, sen ánimo de lucro, con equipos ou deportistas que participen en competición federada de ámbito local, provincial ou autonómico durante o ano 2019

Por acordo da Xunta de Goberno do 8 de febreiro de 2019, aprobáronse as Bases reguladoras do programa de subvencións para clubs deportivos da provincia, sen ánimo de lucro, con equipos ou deportistas que participen en competición federada de ámbito local, provincial ou autonómico durante o ano 2019, que se transcriben deseguido:

PROGRAMA DE SUBVENCIÓNS PARA CLUBS DEPORTIVOS DA PROVINCIA, SEN ÁNIMO DE LUCRO, CON EQUIPOS OU DEPORTISTAS QUE PARTICIPEN EN COMPETICIÓN FEDERADA DE ÁMBITO LOCAL, PROVINCIAL OU AUTONÓMICO DURANTE O ANO 2019

BASES ESPECÍFICAS DO PROGRAMA (complementarias das bases reguladoras xerais)

Datos do programa

Denominación:	Programa de subvencións para clubs deportivos da provincia, sen ánimo de lucro, con equipos ou deportistas que participen en competición federada de ámbito local, provincial ou autonómico durante o ano 2019
Referencia:	F0103B/2019
Aplicación orzamentaria:	0612/3411/481- Importe: 150.000 € Este importe poderá ser obxecto de modificación orzamentaria.
Importe do orzamento de gastos:	Mínimo 5.000 €, máximo 75.000 €
Importe da subvención que se ha conceder:	De 1.000 € a 60.000 €
Importe solicitado:	Do 20% ao 80% do orzamento de gastos subvencionable
Coefficiente de financiamento:	Variable entre 0,20 e 0,80

Base 3.-Obxecto

Obxecto específico do programa F0103B/2019

Este programa vai dirixido aos clubs deportivos da provincia que contén con algún equipo ou deportista (no caso de deportes individuais) que participen en competicións oficiais federadas de ámbito local, provincial, ou autonómico durante o ano 2019.

Si algún dos equipos ou deportistas do club participan en competicións oficiais federadas de ámbito nacional ou internacional, non poderán participar neste programa, xa que contan co seu programa específico F0103C.

O obxecto deste programa é financiar os gastos derivados da súa participación en competicións oficiais federadas de ámbito local, provincial ou autonómico.

As solicitudes de subvención referiranse ou a equipos ou a deportistas.

A realización do programa de actividades para a que se concede a subvención será de exclusiva responsabilidade da entidade, así como as obrigas fiscais e de Seguridade Social que delas se deriven.

Gastos subvencionables neste programa

CONTA	DESCRICIÓN DA CONTA, SEGUNDO O PXC PENL (*)
621	Arrendamentos e canons (arrendamento de vehículos, instalacións deportivas e material deportivo)
624	Transportes (utilización de medios de transporte regular para o desenvolvemento da actividade)

CONTA	DESCRICIÓN DA CONTA, SEGUNDO O PXCPENL (*)
625	Primas seguros (seguros deportivos e outros relacionados coa actividade deportiva)
629	Outros servizos: só aloxamento para o desenvolvemento da actividade
649	Outros gastos sociais (mutuas)
652	Dereitos da arbitrase
655	Cotas a entidades deportivas (licenzas federación)

* Resolución do 26/03/2013, do Plan de contabilidade de pequenas e medianas entidades sen fins lucrativos.

Respecto dos gastos de transporte e de aloxamento, terán que estar directamente vinculados coa realización das actividades subvencionadas. Deberá acreditarse esta vinculación na memoria da actividade no trámite da xustificación.

Gastos non subvencionables neste programa:

- Os gastos non derivados da súa participación en competicións oficiais federadas de ámbito local, provincial ou autonómico.
- Os gastos derivados da súa participación en competicións oficiais federadas de ámbito nacional ou internacional.
- Os gastos derivados de viaxes de ocio.
- Os gastos financeiros.
- Os gastos derivados das atencións protocolarias (atencións persoais, comidas protocolarias, gastos en galas ou celebracións)
- Os gastos suntuarios.

Base 4.–Compatibilidades e exclusións

As subvencións deste programa son compatibles con outras subvencións, axudas, ingresos ou recursos para a mesma finalidade, procedentes de calquera administración ou ente público ou privado, nacional, da Unión Europea ou de organismos internacionais, sen prexuízo da obriga de comunicar á Deputación a súa obtención.

Támén son compatibles co programa desta Deputación FO103D do presente ano, como excepción ao establecido nas Bases reguladoras xerais da Deputación Provincial da Coruña.

4.4.3. Exclusións específicas do programa FO103B/2019.

Ademais das exclusións expresadas na base 4 das Bases reguladoras xerais, non serán obxecto de subvención neste programa:

As actividades culturais, de promoción económica, de servizos sociais e de turismo.

As actividades de fomento da actividade física e do deporte, que poidan ser obxecto de subvención a través do programa FO103A/2019.

Os grandes eventos deportivos singulares, que poidan ser obxecto de subvención a través do programa FO103D/2019.

Base 6.–Requisitos e obrigas das entidades solicitantes

Requisitos específicos do programa FO103B/2019

- Ser un club deportivo, sen ánimo de lucro, legalmente constituído, con domicilio fiscal na provincia da Coruña
- Ter equipos ou deportistas (no caso de deportes individuais) en competicións oficiais federadas de ámbito local, provincial ou autonómico durante o ano 2019.
- Estar inscritos no Rexistro de entidades deportivas da Xunta de Galicia.

Base 7.–Solicitude

7.1. Prazo e presentación de solicitudes específicos do programa FO103B/2019.

O prazo de presentación de solicitudes determinarase no anuncio de publicación da convocatoria deste programa no BOP da Coruña, a través do Sistema Nacional de Publicación de Subvencións.

As solicitudes de subvención referiranse ou a equipos ou a deportistas.

7.2. Documentación.

Documentación e compromisos específicos do programa F0103B/2019

Ademais da documentación relacionada na base 7ª das Bases reguladoras xerais, os clubs que soliciten subvención por este programa teñen que achegar:

- Memoria explicativa da actividade prevista para o ano 2019. O dito documento conterá, como mínimo, os aspectos que deseguido se expoñen:
 - Obxecto da subvención.
 - Descrición das competicións nas que participa o club, especificando as datas e lugares das probas ou partidos, número de participantes.
 - Descrición das actividades deportivas e sociais que realiza o club, así como a súa traxectoria deportiva.
 - Estrutura social do club, órganos de goberno, número de persoas asociadas, funcionamento, e instalacións onde desenvollen a actividade, indicando se son propiedade do club, alugadas, de titularidade municipal, etc.
- Certificación expedida pola federación autonómica, na que consten os seguintes datos do club, referidos o ano 2019: n.º de equipos ou deportistas no caso de deportes individuais en cada ámbito de competición (local, provincial ou autonómico).
- Certificación expedida pola federación autonómica, na que consten os seguintes datos do club, referidos o ano 2018: n.º de equipos ou deportistas no caso de deportes individuais en cada ámbito de competición (local, provincial ou autonómico) e o n.º de licenzas federativas. A certificación referirase ou a equipos ou a deportistas.
- Certificación negativa expedida pola federación nacional, que acredite que no ano 2019 ningún equipo ou deportista do club participa en competicións de ámbito nacional ou internacional.
- Declaración do n.º de inscrición no Rexistro de Entidades Deportivas da Xunta de Galicia.
- Declaración do n.º de equipos ou deportistas (no caso de deportes individuais) en competicións de ámbito local no ano 2018.
- Declaración do n.º de equipos ou deportistas (no caso de deportes individuais) en competicións de ámbito provincial no ano 2018.
- Declaración do n.º de equipos ou deportistas (no caso de deportes individuais) en competicións de ámbito autonómico no ano 2018.
- Declaración do n.º licenzas federativas dos deportistas do club no ano 2018.
- Importe da subvención solicitada, que non poderá superar o 80% do orzamento de gastos.
- Declaración doutras subvencións concedidas ou solicitadas para o mesmo obxecto.
- Declaración da utilización da lingua galega na realización do proxecto.

No caso de que se solicite a autorización para concertar a execución total ou parcial das actividades con persoas xurídicas vinculadas, deberán indicar a epígrafe na que está inscrita no IAE e achegar a documentación de constitución da entidade para comprobar o seu obxecto social.

Poderase requirir a entidade para que achegue cantos datos, documentos complementarios e aclaracións resulten necesarios para a tramitación e resolución do procedemento.

Base 8.-Resolución

8.1. Valoración das solicitudes específica do programa F0103B/2019

- Coeficiente de financiamento derivado da solicitude: ata 10 puntos.
- N.º de equipos ou deportistas (no caso de deportes individuais) en competicións federadas de ámbito local: ata 20 puntos.
- N.º de equipos ou deportistas (no caso de deportes individuais) en competicións federadas de ámbito provincial: ata 30 puntos.
- N.º de equipos ou deportistas (no caso de deportes individuais) en competicións federadas de ámbito autonómico: ata 40 puntos.

Valorarase o n.º de equipos ou deportistas no ámbito superior de competición.

- N.º de licenzas federativas dos deportistas do club: ata 15 puntos.

- Utilización da lingua galega na realización das actividades: ata 5 puntos.
- Interese da proposta presentada: ata 30 puntos.

Valoraranse, no informe técnico correspondente, os seguintes aspectos:

- Calidade e solvencia técnica da proposta.
- Actuacións dirixidas á captación e apoio a novas promesas do deporte.
- Clasificación ou resultados obtidos nas competicións oficiais da tempada anterior.

8.4. Cambios de obxecto do programa FO103B/2019.

Neste programa de subvencións non se admitirán cambios de obxecto.

Base 9.–Xustificación e pagamento

9.3. Documentación xustificativa específica do programa FO103B/2019.

Ademais da documentación establecida nas Bases reguladoras xerais dos programas de subvencións dirixidas a entidades privadas (iniciativa social sen ánimo de lucro ou de carácter mercantil), da Deputación Provincial da Coruña, deberán achegar a seguinte documentación:

9.3.1. Subvencións por importe inferior a 60.000,00 €.

- Memoria xustificativa da realización da actividade subvencionada e do cumprimento das condicións impostas na concesión da subvención, que conterá, como mínimo, os seguintes aspectos: actividades desenvoltas; temporalización; cuantificación e perfil dos participantes; resultados obtidos.
- Acreditación da utilización do anagrama da Deputación da Coruña no material gráfico de difusión e na páxina web da entidade, e do emprego da lingua galega nos soportes de difusión das actividades subvencionadas.

9.3.2. Subvencións por importe de 60.000,00 € ou superior.

- Memoria xustificativa da realización da actividade subvencionada e do cumprimento das condicións impostas na concesión da subvención, que conterá, como mínimo, os seguintes aspectos: actividades desenvoltas; temporalización; cuantificación e perfil dos participantes; resultados obtidos.
- Acreditación da utilización do anagrama da Deputación da Coruña no material gráfico de difusión e na páxina web da entidade, e do emprego da lingua galega nos soportes de difusión das actividades subvencionadas.
- Facturas ou documentos equivalentes incluídos na relación clasificada de gastos.

A Coruña, 8 de febreiro de 2019.

O presidente,

Valentín González Formoso

O secretario,

José Luis Almau Supervía

2019/1066